

25  
A S'AMADA

T'amai, m'amas e t'amo,  
M'istimas, t'istimaia.  
Deo tou e tue mia  
Però invanu ti giamo.

Mi negas ogni dirittu,  
Ingrata senza motivu.  
De allegria m'has privu,  
A tortu m'has iscunfittu.  
Su coro mi has traffittu  
Senza s'ischire comente,  
Distrutt'has tragicamente  
Unu nobile ideale,  
Ma pro sorte naturale  
T'amai, m'amas e t'amo.

Da-e te giara avreschida  
Ispettaia consolu,  
Ma haine chi so solu  
Forsi pro totta sa vida?  
Ammitto chi presumida  
Insistas cun cust'idea,  
Fami auditu e ti lea  
Cunfortos cantu ti do.  
Deo istimendedi so  
M'istimas t'istimaia.

Milena troppu retrosa  
Ses a sosumiosemcunsizzos,  
Los ripagas cun fastizzos  
Bessimamente iscontrosa.  
Pianghes pro vana cosa  
O in coro has sentimentu?  
Pone riparu a momentu  
A su terribile arcanu,  
No est chi semus invanu  
Deo tou e tue mia.

Diliriante vivende ~~so~~ ~~genosamente~~  
So penosamente solu.  
Cando mai no has dolu  
De chie ses tantu amende?  
T'abbizzas chi so morzende  
E-i sa tumba preparas  
Ebbia ca no mi naras  
Proit'est chi t'addoloras.  
M'amas, m'istimas, m'adoras  
Però invanu ti giamo.

TORCO

PREGADORIA A SA MADONNA

Vergine Mama in cust'ora agiua  
Custu nostru diffizile momentu.  
Faghe cun sa Divina forza Tua

Piedosu e deghile ogn'ausentu;  
Ogn'operare è sa mala zenia.  
Dà a sos guvernantes su talentu

Pro poder impedire attera ia  
Delittos chi ten samben terramare.  
Vergine è su Remeddu Maria,

No sighes a lassare appedrigare  
Atteros fizos de su Deus Trinu,  
Ne archibusos lessas isparare

Da-e sas manos de ogn'assassinu.  
Custas feras in sa foresta inserra,  
Gai tranchigliu ogni zittadinu

Girat liberamente in custa terra  
Senza timire sas ferozes sannas.  
Faghe chi zesszt prestu custa gherra

A ferru frittu cun peleas mannas;  
Cust'attaunzu in forma mudigona  
Chi orrorosu colat in sas giannas,

Semenende terrore in ogni zoma,  
Amalguras, tristuras e piantu.  
Sos chi non bochit Deus los perdona

Ca poberittos senza s'Ozu Santu  
S'anima si che giughen a cuddala.  
Besti sos buscos de candidu mantu,

E in sas percias, pro ogn'ora mala,  
Improvvisa unu sacru tabernaculu  
Cun anghelddos bestidos de gala,

Tottu festende su Divinu oraculu,  
Cun cantigos sagrados e intónios  
De trumbas musicales de miraculu;

Sonos celestiales e armonios.  
Faghe cun cussa musica divina  
Paralizzare tottu sos dimonios

Ch'in "Supramonte" han postu raighina.  
Tue Vergine Santa è @su Remediu  
Dà nos riposu in cust'adde mischina

De lagrimas infusta e de attediù.

TORCO

T'AMAIA E T'AMO

A s'amore hamos dirittu  
Pro unu giustu motivu.  
Guai s'essera brivu  
De cantu so in apittu:  
Tia esser iscunfittu  
E morzo tragicamente,  
Ma tue sinzatamente  
Aggualas s'ideale  
Chi pro sorte naturale  
T'amaia, ancora t'amo.

Dae te giara avreschida  
Tenzo fittivu consolu,  
Eo riponzo in te sohu  
S'ammira pro totta vida,  
T'happ'in su coro impreida,  
Ses s'incantu e cust'idea.  
Mi das cunfortu e ti lea  
Carignos cantu ti do  
Deo istimendedi so  
~~M'amas, m'istimas, m'adoras,~~  
Comente in primmaria.

T'amaia, ancora t'amo,  
Comente in primmaria,  
Ses tue s'anima mia,  
Realizzas cantu bramo.

Tue ses s'affettuosa  
Amiga e sanos cunsizzos,  
Ses de sos mios disizzos  
S'appagadora amorosa;  
Tue ses sa vera isposa de-  
De su meu sentimentu.  
Mi pensas ogni momentu  
E ti penso fittianu  
Sias vicinu o lontanu  
Ses tue s'anima mia.

Nde so lontanu vivende  
Dae te ma no so solu,  
No tenzo pena ne dolu  
Isco chi mi ses amende  
E si essera morzende  
Chi pianghes no mi naras  
Ma suffris penas amaras  
In segretu t'addoloras  
M'amas, m'istimas, m'adoras,  
Realizzas cantu bramo.

TORCO